



UNIVERSITÄTS-
BIBLIOTHEK
PADERBORN

Christ-eyfriger Seelen-Wecker/ Oder Lehrreiche Predigen

...

... Quadragesimale, Das ist: Die heilige Char-Wochen ... Dritter Theil

Barcia y Zambrana, José de

Augsburg, 1719

Approbatio Domini Doctori Don Alphonsi De Sancta Cruce Episcopi de
Methoanes, ...

[urn:nbn:de:hbz:466:1-76494](https://nbn-resolving.org/urn:nbn:de:hbz:466:1-76494)



APPROBATIO

DOMINI DOCTORI DON ALPHONSI DE
 Sancta Cruce Episcopi de Methoanes, Consiliarij Regij, & E-
 minentissimi DD. Cardinalis Portocarrero Archiepiscopi Toletani in eodem Ar-
 chiepiscopatu Suffraganei, & Sanctæ hujus Ecclesiæ Toletanæ per Hi-
 spanias primariæ Canonici, ac perpetui pro Rege Domino nostro
 Regij, ac insignis Collegij nobilium Domicellarum
 in hac urbe Administratoris &c.

M. P. S.

LICENTIA ORDINARIJ



X mandato Vestrae Celsitudinis vidi Librum, cujus titulus. *Quadragesima sermonum Doctrinalium pro Dominica palmarum, diebus sancta Septimanae, ac Resurrectionis: Tomus tertius.* Authore, Don Josepho de Barzia, & Zambrana, Primatis Ecclesiæ Toletanæ Canonici, lectumque semel rursus repetij delectatione ductus, & admiratione cum audiendi, atque in Majestate tam sublimis authoris id conjunctum inveni, quod difficulter unitur, ut nempe rerum profunditas earum claritate ornetur, atque suavitas soliditati, & amenitas utilitati copuletur. Miracula quædam sunt ista, quæ patrare novit prodigiosa ejus eloquentia, quam tanquam Superioris cujusdam Sphæræ merito admiramur. Siquidem, uti Plinius Libro 17. cap. 25. animadvertit nec ipsa natura omni ingenio suo eo eniti potest, ut extrema aded discita in plantis uniat.

Cæterum anceps hæere cepit mea curiositas, utrum admiratio illa, qua author iste homines afficit, & suspendit, vocis vivacitati potissimum tribuenda sit, an verò impensissimo labori; solet enim tempus paulatim adimere, quod ab initio repente profusum satis fecit curiositati. Qua de causa Sanctus Hieronymus, (si tamen Erasmo fidem adstruimus) Sermones suos nunquam voluit scribere; illi enim sermones, qui inter ejus opera prostant, ipsius non sunt, ut facile periuadet Styli varietas, cum utique etiam illis vigorem suum illum, & energiam Rhetoricam non subtraxisset. Ita dubitanti in mentem etiam venit, quod Seneca docet, *Lib. 3. controversiarum in proem.* Quod nempe eloquentiæ vivacitas in Lectione plurimum soleat decrescere, quod etiam Cassio obtigisse asseverat, quippe qui eapropter quartus fuerit orator. ex scriptis judicari non poterat, sed ex auditu. *Non est, inquit Seneca, quod illum ex his, quæ edidit, æstimatis, sunt quidem & hæc quibusdam puberum, eloquentia ejus longè major erat, quam lectio.* At longè aliter accidit legenti mihi hunc librum: atque illud planè verum mihi videtur, quod Ovidius lib. 2. de Ponto Eleg. 6. circa principium de calamo suo asserit: *Præbet mihi litera linguam.* Ita nempe illius quoque calamus oculis lingua est, atque id, quod legitur quasi auditum videtur, & quod auditur, quasi spectari. Quod quidem Seneca de Quintiliano olim dixit Epistola 3. lib. 8. *Non enim * mirari res, sed agi vi-*

* Narrari
 puto melius
 legeretur.

detur. Est autem cæteroquin totus liber iste, sicut, & reliqua ejus scripta, elegans, profundus, textibus, quibus fundatur, optimè instructus: emicat in eo rerum se-

lectissi-

APPROBATIO.

lectissimarum notitia, & eruditio: Authores in eo citati graves sunt, & exquisiti, doctrina plana, & solida, ingens in explicando facilitas, quibus accedit in concipiendis cogitationibus subtilissimum ingenium. Quæ omnia tam præclara sunt pignora, ut Ecclesiasten dignum efficiant universali illo applausu, qualem author iste ubique obtinet, prout Doctotum Aquila, & sapientium Magister S. Augustinus tom. 3. de Doctrina Christ. cap. 1. innuit. *Dua sunt res, inquit ille, quibus nititur omnis tractatio Scripturarum: modus inveniendi, qua intelligenda sunt, & modus proferendi, qua sunt intellecta.*

Unde porro citra hyperbolen ita existimo, Oratori huic à divina Providentia rursus infusum esse Spiritum illum, fervorem, & Sapientiam, quam Sixtus Senensis lib. 4. Bibliothecæ lit. F. adeò extollit, dum dicit, quod Budominus Ferrariensis ex sacra Seraphica Familia præter id, quod sua ætate introduxerit modum concionandi, quem tenuere Basilij, Chrylostomi, & Gregorij, in dicendo cælestis quidam fuerit radius, in voce verè sonorum tonitru, in actione terror, in attrahendis cordibus vivacissimus quidam magnes & rapidissimus eruditionis torrens, qui omnem animi attentionem, atque affectum unà secum raperet. Comparat hic interim Lector signa hæc, & iudicia, dum ego Senensis verba adscribo, quæ ita sonant: *Concitatissimo orationis versu ab exordio usque ad finem decurrere, eodem semper actionis impetu, & eadem semper vocis magnitudine, & fortitudine rapiens convolvensque secum auditorum animos instar rapidissimi torrentis hibernis imbribus acti.*

Atque ita, quemadmodum nemo opus hoc videbit, quin summopere illud sit admiraturus, verba mea in eo dilaudando finire cogito, atque encomia mea longè eo ineriora esse agnosco, & sic Lectorem laudatorem esse velim, atque ex toto corde quemlibet obtestor omnem afferat lectioni huic attentionem, neque fatigari timeat; ego enim vadem hic me illi facio, quòd quidquid attentionis, & vigiliarum ejus Lectioni, meditationique attulerit, omne id in jucunda quadam admiratione non sine sænore sit recepturus. Quò fiet, ut ipse quoque authori suo pro merito applaudat; cuius quidem nomen aliunde adeò celebre est per omnem Hispaniam, ut sibi soli sufficiat, ut omnia illius opera se ipsis docta, & secura esse credantur quin vel dubium admittant, vel censuram. Et hoc ita ego affirmo, cum in toto opere nihil sit, quod huic existimationi adversatur, ut itaque unà cum gratiarum actione danda sit imprimendi licentia. Ita mihi visum est, atque hoc ego illi testimonium impertior; non quasi opus haberet hoc fulcro, sed ut partibus meis satisfaciam, & quod in commissis habeo, jucunda quadam obedientia vestræ Altitudini, à qua mihi legendus submissus est, exolvam. Toleti 16. Januarij Anno 1688.

*Alphonsus Episcopus de
Meshoanes.*

Suma del Privilegio Imprimatur si
lubet Hispanice. Item
si lubet.

Suma de la Tassa.

PROLO.